

Nunatsinni inuiaqatigiinni aalanerulernissamut qanoq iliuuseqaqataasinnaaneq pillugu apeqquteqaat aallaavigalugu oqallisissiatut siunnersuut
 (Inatsisartunut ilaasortaq Lars Poulsen, Siumut)

Akissuteqaat

(Meeqyanut, Inuuusuttunut, Ilanniartitaanermut, Kultureqarnermut, Timersornermut Ilageeqarnermullu Naalakkersuisoq)

Inatsisartunut ilaasortap Lars Poulsen, Siumut oqallisissiatut siunnersuuteqarsimaneranut Naalakkersuisut aallarniutigalugu qujassutigissavaat.

Nunatsinni inuiaqatigiinni aalanerulernissamut tunngatillugu siunnersuuteqartup apeqquteqarnera naapertuuppoq.

Kalaallit Nunaanni Timersoqatigiit Kattuffiata anguniagaa, 2030-mi nunarsuarmi timimik aalatitsinerpaanngornissaq, Naalakkersuisunit tapersorsorneqarpoq.

Piffissami 2023-2027-mut angusassat pillugit Naalakkersuisut aamma Kalaallit Nunaanni Timersoqatigiit Kattuffiata isumaqatigiissuteqarput. Angusassat pillugit isumaqatigiissut illuatungerit ataatsimoorlutik aqtsinissamut atugassaraat, Naalakkersuisut politikkikkut pingaarnersiugaannut aamma Kalaallit Nunaanni Timersoqatigiit Kattuffiata (GIF) namminneerlukti periusissaannut isumalluutinullu pingaarnersiuerannut atatillugu timersortartut pitsaanerpaamik atugassaqartinniarlugit suleqatigiinnissamut qulakkeerinnittussaq.

Kalaallit Nunaanni Timersoqatigiit Kattuffiata anguniagaa 2030-mi nunarput nunarsuarmi timimik aalatitsinerpaanngornissaq isumaqatigiissummi tapersorsorneqarpoq. Timersortarfinnut tunngatillugu pioreersunik siunissamilu pisariaqartitanik misissuissasut, angusassat pillugit isumaqatigiissut ilaatigut suliniutinik imaqarpoq. Misissuinermi ilaatigut aamma timersortarfiit ukiuni qulini tullinnguuttuni qanoq annertutigisumik ineriartortinnejassanersut ilaatinnejassapput. Taamaasilluni takutinnejqarsinnaassaaq, qanoq isinikkut pitsaanerusumik aammalu sammisamut siuarsasinnaasunik avatangiisinillu pilersitsisoqarsinnaanersoq, timersornermut kajumilersitsisinnaasumik. Misissuineq takorluukkamut Kalaallit Nunaat 2023-mi nunarsuarmi timimik aalatitsinerpaanngornissamut tunngaviusinnaavoq.

Tamatuma saniatigut timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq tunngavigalugu Naalakkersuisut timersornermut timigissarnermullu tunngatillugu iliuuseqarsinnaatitaapput. Inatsimmi allaqqavoq, Naalakkersuisut Kalaallit Nunaanni Timersoqatigiit Kattuffiata ingerlannejqarnissaannut ukumoortumik tapiissuteqartartut. Tamatuma saniatigut Naalakkersuisut timersortarfinnik sanaartornermut, iluarsaassinermut aaqqissuussinermullu tapiissuteqarsinnaapput.

Pisortat ingerlatsivii timersornikkut kattuffiit peqatigalugit inuiaqatigiinni timersorneq timigissarnerlu siuarsarnissaanut akisussaaffeqarput, tamatumani ilanngullugit atualinngitsunut, sunngiffimmi neqeroorutini, suliffeqarfinni kiisalu peqqissaanermi isumaginninnermilu.

Aammattaaq Naalakkersuisut tapersorsorpaat inuunermut peqqinnerusumut innuttaasut suliniuteqarnerata nukittorsarnissaa siunertaasoq, taamaasilluni Naalakkersuisut Kalaallit Nunaanni Timersoqatigiit Kattuffiata takorluugaani pilersaarutaat Aningaasanut Inatsimmi aammalu angusassat pillugit isumaqatigiisummi tapersorsorpaat.

Tamatta aalanerulernissatsinnut timersornikkut atugassarititani annertuunik aningaasanik nalilinnik unammilligassaqarpugut, timersornikkut kikkut tamarmik peqataaffigisinnaasaanik nutaaliornissamullu.

Peqatigiiffit kajumissutsiminnillu sulisut nersualaarneqassapput ukioq kaajallallugu timersornerup silarsuaanni eqeersimaartitsisuummata. Timersornermi kajumissutsimik sulissagaanni piffissaq nukissaqarnissarlu qularutissaanngillat. Kajumissutsiminnik sulisartut timersorneq timimillu atuineq peqqinnissamut inuunerinnissamullu aqqutissiueqataapput ilaatigullu inooriaatsimit aallaaveqarsinnaasunik assigiinngitsunik nappaateqalersinnaanernik pinaveersaarttsisooqataallutik.

Taamatut oqaaseqarlunga Naalakkersuisut qilanaarutigaat pitsaasumik inersuarmi oqalliseqataanissaq.